

絳跗草堂詩集

題詞

才力雄大各體皆足以勝時輩友朋視彼遲才貌李  
長吉者高百萬層大興翁方綱覃溪

月蟾天犀金膏水碧發襲數重尚有波斯胡望氣而  
至仁和馬履泰秋藥

五言古頴宕淋漓神采百倍七言古古色高議相輔  
而行老筆紛披愈轉愈健用蘇韻便似蘇可謂色色  
皆精門門入勝 劉公戡謂七律如強弓硬弩古來  
開到十分滿者無幾人吾恭甫真能十二分滿矣世  
有知言者必不河漢吾言 嘉應宋湘芷沅

體大物博氣能舉詞歟吳鼎山尊

五言古思力沈厚皆出少陵七言古造語奇麗結體  
謹嚴論事有斷制下筆有鋒芒跌宕頓挫風力彌道  
嘗以八音論詩謂金石絲竹者多匏土革木者少蓋  
清雄易妙而沈樸難工也作者以仄韻為栢梁體筆  
力排鼻音節頓挫殆以革木之音而鬱金石之氣非  
神明於古人者不能 僕於近代七律首推梅村以  
為西崑面子老杜骨頭自義山遺山而後殆無其匹  
作者隸事典切結響沈雄直與此老抗衡東鄉吳而  
梁蘭雪

大著五古源君家射洪而變其音節七古杜韓蘓陸  
無所不有有絕似吳淵穎者尤瑰麗有奇氣近體以  
杜為宗出入二李下至秀水新城亦不肯放過麻姑  
指爪太長矣鍾記室品劉文學仗氣愛奇動多振絕  
非才力雄擅那能有此讀竟不覺俯首至地歛鮑桂  
星覺生

秀逸沈雄處殆合虞劉兩文靖為一手 閩縣薩玉衡  
檀河

翡翠蘭苔之色金鐘大鏞之音碧海長鯨之力蛇鳥  
風雲之陣糅弄杜韓胚胎漢魏當今作者誰與抗衡

桐城姚瑩石甫

絳跼草堂詩鈔六卷福州陳太史恭甫先生著先生  
經學精博有左海經辨五經異義疏證行世澍然嘗  
採其說春秋者入所著春秋釋經矣而絳跼草堂詩  
鈔今乙酉秋至省始受而讀之其詩蒼贍雄堅大抵  
師杜甫氏而五古導源建安七古兼有高岑橫厲處  
復近韓蘇近體則淹有明空同滄溟及國朝梅邨  
竹垞愚山之勝可謂一代作者然觀集中所載或一  
歲三四首或數歲乃無一詩蓋先生意念所存遠矣  
豈欲以詩名者哉而詩之工如是豈非本原盛大流

注無方而然歟昌黎曰餘事作詩人殆先生謂邪光  
澤高澍然雨農

五言古力厚思深醇而不肆樸而不拙原本漢魏而  
翼以射洪曲江無一語落開寶以後七言古從高岑  
起手而出入於杜韓蘇三大家萬派彙流百寶眩目  
視弇州坵地伯仲之間耳近體於沈鬱中見清曠於  
綿遠處見高華有青邱之雅鍊而雄健過之得阮亭  
之神韻而典重過之兼旬雒誦沾丐為不少矣本  
朝以經術擅詩名者首舉蕭山秀水然毛專詆東坡  
尚少停蓄不如朱遠甚自謝山大宗兩先生出始與

曝書亭鼎峙千古蓋詞章考據奄有其長者若此之  
難讀絳跼草堂詩鈔又歎秀水以後一人而已全杭  
兩家不足多也寶山沈學淵夢塘

五古溯源浣花委注梅村七古杜岑氣骨韓蘇才情  
速揖北地近俯秀水五七言近體則李何王李王施  
朱宋無不掇其精華尤於弇州梅村兩家為近七絕  
亦風調清遠在國初諸老之間吾閩近時人物若  
李文貞之經術蔡文勤之理學朱梅崖之古文皆足  
雄視一代惟歌詩一道非如丁雁水之確守土風即  
如黃莘田之未具大力如鐵堂甌香二許先生雖稍

熊振作歸於大雅而流傳不遠才亦有偏至蓋自鄭  
少谷後尠復有熊旗鼓中原者常引以為憾此集氣  
骨與少谷同祖杜而才情學問勝之闢三百年之壇  
坵而釋其憾非此誰歸受業張際亮謹識



題詞

閩縣薩玉衡檀河

梅花丰骨是神仙十載論交最少年  
元祐詩才過海壯永嘉名德渡江賢  
天生蛩蛩長依負世有夔夔總愛憐  
自笑土音操未了千秋山水屬牙絃

汀州伊秉綬墨卿

學海真堪待問津朝端風度曲江倫  
經時酬及高常侍和句超於賈舍人  
蘭膳笙詩紗幔曉梅花明月玉堂春  
羨君愛日宮袍舞可但貧交筆有神

讀恭甫先生絳跗堂詩題後卽和集中贈梅用東坡

先生松風亭韻元韻

華亭張祥河詩舲

午眠一牕梅花村若構奇境飛詩魂先生眎我絳跼  
集披誦遂竟鐙黃昏梅村不死卧子起恍見揖讓還  
鄉園精心八極接雄槩太古有石蒼苔溫荒灘折流  
瀉春瀑瘴海望氣升朝瞰閩南著此老健筆林高而  
外開旗門末流叫噪丐膏馥苦心在斯不與言用少  
論詩明當攜卷山絕頂萬家烟火陪清尊適有鳥石  
壽恭甫前輩

金鎖孫爾準平叔

南州大雅仰扶輪寧慕風流效墊巾藏室書歸周柱  
史名山論著漢經神博通夾漈空前輩兼擅長蘆有

替人

夾漈積數十年之功為經旨禮樂天文地理蟲

學實

似之

國朝碩儒

林立而

又討論圖譜

云書君之

三筆者頗難

其人惟小長蘆庵有眾長以君儷之殆

無媿脩到鄉

原

色

無媿脩到鄉

原

是福

每來山館

輒逡巡

人間爭說

魯靈光

六十平頭鬢

未蒼服餌無須赤松

子畫圖

久戀白雲鄉

君乞養歸

畫戀雲圖

閒居燕喜

依紗幔清

話從容

數玉堂傳

却轉軒開

講舍新陰桃李藹門牆

蓉湖拏棹

締交先

嘉慶辛酉君入都

先過蓉湖見訪

聯步花甌

證宿

緣逮我下車

趨拜日

是君鍵戶

著書年東甌史筆千

秋擅

著東越儒林

文苑二傳

左海集

文編萬口

傳況有符郎能

徧讀故應

長戀在山泉

鈴齋躋履每相迎  
捉麈談深見性情  
裴秀知能周郡  
國子瞻人惜未公  
卿且勞文獻徵前  
事為志方興紀  
太平

時奉  
修省志

一曲琅璈將進酒  
二分春色滿榕城

絳跼草堂詩集卷一

福州陳壽祺葦仁

五言古詩

咏史七首

丁未

許郭好人倫高風扇坤軸宣城讀孔表折簡亟嗟服  
古來憐才人說士甘於肉俗儒趨墮波貴耳反賤目  
蛾眉動朱脣群醜生鳩蜺譬彼蘭蕙花雨露所濡沐  
螻蟻蠹其枝亦足干黥黷所以三閭翁瓊佩傷幽獨  
薛公隱賣漿毛生藏博徒朱亥鼓刀者侯嬴抱關夫  
信陵貴折節聲聞傾八區豪俠勢尚爾况乃閭閻衢

英才未覩蟬蟻沉泥塗何地無夜光曷必曾城隅  
煌煌丹鳳城沈沈金馬閭飛旌曳明月影組紆長霓  
不知何甲第衣柱皆錦綈晨星魚鑰動擊轡奔風蹄  
坐令源陸輩森與槐柳齊飄飄被褐客青雲無由梯  
屈伸學尺蠖俯仰隨醯雞常恐鴻鵠舉中道安歸栖  
夏甫恥從父仲孺慙賢妻亮當友麋鹿抱石眠蒿藜  
下邳復廷尉勒門始歲客樂安著葛練舊交分踈隔  
谷風刺薄俗河上悲同厄所嗟廉慶喪何止蕭朱隙  
鳩鳥防涉秋槿花不榮夕中道多棄捐孟門橫咫尺  
自非羊角哀誰能託金石

北風吹不周火維變淒凜澗枝紛飄搖林鳥各閉噤  
戚戚窮巷士堀堞自踣蹠漏屋牽枯茅空牀撫寒枕  
旨蓄不禦冬無備猶拾瀋忍凍行荒郊所遇增慘慄  
谷陰孤兔驕水急魚鮪淪何當回春姿慰此蕭寂甚  
不見金張廬煖客出貂錦瑤笙逐朝歌玉尊連夜飲  
逸娛固所安誰憚積薪寢

安邑畏累人生蒜猶可茹柴桑拙逢時飢來驅之去  
寒蠶翾薄翼昏夕鳴達曙風露滿高枝抱葉不知處  
群雁爭稻粱得飽即軒翥騏驥櫪下伏鞭箠付僕御  
貧士儋石憂出門難告語邨姑學新妝俛仰皆失據

少無脂韋骨漂沈任萍絮

龐公居隴上耕耘遺子孫  
族世蓬華陋潔白舊所敦  
每懷逐鷗鷺萬里凌風騫  
浩歌陟岵感此戀晨昏  
種柏柏心苦猶蔭黃齏根  
采蘭蘭已綠勿踐霜露繁  
高堂攬明鏡倚杖傾芳尊  
悠然初月出各話春風暄  
吾將希北郭列鼎安足論

美人

丁未

美人倚樓暮微醺  
睇碧梧東風吹慘綠  
花泝煙模胡  
哀歌振長袖心與春雲孤  
勸君毋折柳飛絮霑衰櫺  
哭亡弟阿金二首  
六歲以痘殤



孩提女知愛稍長女知敬諧婉妙靈舌敏勤稟誠性  
如何罹鞠凶冥漠付天命飛蟲敗新苗積土霾明鏡  
憶我昔就塾數朝歸省親應門十八九來女走踈踈  
入堂俟我坐牽裾笑呼詢親懿各在前喁喁話酸辛  
形顏如鳩鵲何有愛此身明發不能寐急難哀仁人  
塊獨負履戴吞悲難具陳而今女已矣音容詎能真  
我日送北邙挽之不可留白楊風蕭蕭慘淡陰雲愁  
凸凹積穉融而女相幽求一坏覆鵲垤小轆無聖周  
脊令怨哀隰何以紓我憂大運有遷化朝菌將誰尤  
荒林竄狸鼠昏徑飛蜉蝣游魂依我歸毋與獶狂讎

過楓嶺

壬子

西行出楓關日脚千嶂午絕磴扶筇輿捫蘿繞一縷  
崢嶸大竿頭連峰接數武嶺半露烽墩斥候靜樓櫓  
海天橫蒼蒼萬里控一柱地險非人功真宰為之主  
凍雲欲釀雪風力健如弩鳥厲愁飛遲天長覺夢苦  
青空撐孤亭長劍可倒挂墜礪隔千尋沿緣不敢俯  
泉疑湧月流石與隕星古持此謝越人何必語天姥  
漂母祠

癸丑

隆準卧沛中貰酒從武負淮陰釣城下乞食寄漂母  
遭逢君臣間並世兩奇婦豪傑有屯遭皮骨因升斗

見絕亭長家受侮市兒口慘澹隨風塵命輕螻蟻蹂  
僖妻饋盤飧漂女薦簞糗感均千金酬蹟垂億載父  
母曰不望報此語若天誘摩厲英雄姿掃滌兒女醜  
亦如張文成受戒圯上叟王孫早覺悟豈復恨弓狗  
惜哉絳灌前不如赤松後一飯義弗忘況乃漢恩厚  
鍾室霾沉寃反假婦人手區區一鄼侯恩怨亦何有  
長川東逝波空祠暎林藪吾亦杖劍來臨風酌卮酒  
蒯徹

淮陰畫三秦拍掌在食頃雌雄劉項閒人傑鑒已炯  
蒯生相君背竒計思一逞安知赤精符天授難與並

利口猶被躬

伍被息夫躬

胡為誇雋永雄議開三分秦鹿

勢終併後來蜀吳魏群力各驅騁山川有鬪爭珠囊

疇更整偉哉隆中人一言定漢鼎

題王丈上秦

荷薪圖

上山拾松蘿下山補茅屋中擔萬古愁終朝不盈束  
窈窕一美人被蘭在空谷丁丁聞巖幽自向青冥斲  
勿使本根傷但期枝葉續悲哉拮据心蚊負懼顛覆  
樵風吹客衣縹緲行空曲宛童卧秋花山鬼倚春竹  
千崖風雨昏猿猱啼深綠道阻筇屐忙日暮隨歸犢  
大壑有藏舟勞薪無停轂九原如可作猶為荷者哭

我生雖散樗思扶大厦木萬牛重丘山天地空蹉跎  
弱植媿未勝浩歌感幽獨

讀樊川文集二首

甲寅

書生輕論兵浩瑄真兒童

殷浩房瑄

吾觀杜舍人亮有烈

士風畢生抱孤憤得失籌山東一百二十城坐鏖幽

并空忼慨注孫武感激錄譚忠丈夫急憂國豈為邀

奇功安得召宣室吐氣如長虹山河一畫笏拱手驁

天弓廟堂不戢亂卿相疇詰戎良圖適不用壯志將

毋窮一麾江海去鬢絲如秋蓬揚州十年遊短夢銷

英雄傷春與傷別

見李義山詩

未盡斯文工高樓感風雨

卷一  
五  
玉谿豈知公願語地上友莫漫呼詩翁

文皇定神都風煙蕩四字煌煌十六衛開置折衝府  
表裏握鈐鍵農田寓兵伍當時褒鄂徒萬里歸禦侮  
中葉何萎蒸庶暮不師古開天罷府兵厲階始生瘡  
大厯貞元間恭養及羆虎尾大足漸靡角奔肘爭附  
旁訐八鎮疽下釀五季蠱君王憚青兕威孤弛弛羽  
豈知詰暴方禮義藏干櫓凌煙無舊人悻悻付纖豎  
沈吟白獸閣感歎同臣甫

又讀樊川文集作

畜鷹本搏鳥乃與鷦鷯親張罟逐狡兔翻然蹈履麋

不見會昌初長吏失拊循江淮積寇盜商旅無通津  
剗剗沉舟楫搜括空金銀茶山二三月婦穉綺羅新  
狐鼠千萬輩博茶工壓身集中與李太尉論江賊書賊云以茶壓身始能行得  
言隨身有茶即去來如掃葉誰能跡平人豈無鎮戍  
卒單弱徒逡巡花老雖發縱安肯吠狺狺就死與賒  
死難易良有因又云鎮戍所由皆云賒死易就死難縱賊不捉事敗抵法謂之賒死與賊相拒立見殺害謂之就死逋捕紛四出瓜蔓相渾淪血肉困鞭撻  
草菅委灰塵綠林益跳盪十不得一真始歎螻蟻力  
易制橫海鱗周官立肺石所貴達窮民螟螣賊田穉  
何以敷春仁廢卷此深喟千春傷我神

畫史姚雲自作其節母暢山夜課圖

雲莆田人居暢山祖黃甲平和教諭父鼎立邑諸生母葉歸十載而寡遺幼孤三撫之盡悴雲其季也以畫名母卒遂茹素終身作夜課圖

姚君清門雋文采雅可挹丹青曹霸貧風樹皋魚泣  
悽悽黃鵠歌感歎動朋執暢山俯清溪蕭瑟石鬼炭  
中有鳴機聲老屋風習習孤燈課兒書或坐或起立  
獨鳥嘯陰林涼月照平隰空墻敗葉飛虛幌踈螢入  
猶牽寡女絲相對自嗚咽但傷霜露淒不惜刀剪急  
茹荼廿五載高行光鄉邑畫隱季也才宋庭見長揖  
平生明發懷向人輒快悒長齋修白業裨誦供米汁



愁隨春暉長汨與墨痕涇噉麥思孝克無復炊香粒  
畫扇憶張敷未忍啓塵笈綱常有不刊須待彤史緝  
願持孝經圖請補白華什

菊墅秋醺詩

我聞武林西馬騰勢幽徹士女工鬥花每尋吹帽節  
禁品八十餘霜葩妙區別衆矚不可期三徑誰羅列  
主人臺榭綠燕窠吟雌蜺五莢標素襟蒔種滿巖穴  
深圍翠谷平稍露青巒缺萬重簾波亂千片垣衣折  
曲沼微通流灌鋤鉞偶挈以此駐秋容亦足自怡悅  
吁嗟石湖公著譜虛陳說百草變不芳七月鳴鷗鵝

修士餐落英離騷久隨絕高人愛佳色隱逸成盜竊  
握手三千年焉得逐前哲孟公夙好賓投轄留車轍  
開筵東籬東雅意窮搜抉更徵黃綰詞霏霏鋸玉屑  
庶幾書歲華晚香偕不滅珍重延壽翁勸君勤採擷

太姥墓

山上有天琢亭巖  
四字在福鼎縣

戊午

神工琢兮巖石笏去天咫不知何代墳宰堵中屹峙  
或言堯時嫗菽藍給隣里羽客授還丹餐霞洗玉髓  
鬻草招昌容飲醪乞女几八月谿雲平空碧變寒水  
猶疑染衣人明月照羅綺放勲告禪初瑞備握河紀  
偃佺及方回本非功名士睢盱耕鑿民豈解餐鵝藥

如何巾幗中蛾眉學鷗視三河受赤圖安書陳鋒氏

中山祠夫人

經注

洞庭望帝子紛紛附伊祁太姥猶

是矣婉婉九色龍七夕事恢詭

舊傳太姥以七夕乘九色龍飛昇

藏

舟外形骸曷以委荒址穀林已雲封蛻骨安足齒春風落山花長卧呼不起世人慕神仙神仙固若此

游教授光瓚

蕝蘭圖

己未

校官置儒林其職等師保翹秀歸匠成暄風振枯槁  
栽并奠蘋蘩觀旂捋茆蓼簪以文章華卉木亦色好  
游君廿載師鐘鼓旬載考葩葩刺桐花東逾赤嵌島  
猗猗蘭蕙芳九畹得春早繁葉剖新故深根調溼燥

冠佩瑤華紉沐浴氷骨皜苦峪化鄧林芽耕手所造  
有時潔夕膳甘敵安期棗以茲詒子孫富勝彭澤稻  
長把種樹書不知玉顏老我思瀟湘波綿綿愁遠道  
鷓鴣鳴深林蘅皋跡如掃安得移衆芳乘雲插晴昊  
我手無斧柯慙然念幽討寄問山中人甯能憐小草  
八月十五夜宋湘芷沆黃鳴傑季侯李象鵠俞圃白  
鎔小山覺羅桂芳香東趙在田穀士諸同年集庶  
常館以一年明月今宵多分韻得一字  
蓬壺敞丹房飛觴邀落日何處裂洞簫吹月松際出  
雲羅拭碧虛煙林稍濛密三霄風露多昏鴉歸一一

吾儕飲清光長嘯振雄筆詩城堅壘高酒軍勁騎疾  
氣吞雲夢九人揖建安七回蕩萬古心萬象破蕭瑟  
吾欲鞭纖阿總轡歷箕畢天地弭秋聲魚龍醒泉室  
請歌水調歌高寒增凜慄

效靈芝篇送館中同年假歸

靈芝生疏圃雲蓋覆丹莖擻枝咀其實壽與容彭并  
吾

皇敷闔閭孝弟敦膠鬲萬國盡扶老朱顏如童嬰翩  
翩金馬客焉沮烏鳥情昔聞漢東方別親遊玉京經  
年一歸省暫許辭蓬瀛豈無丹霞漿跪進青瑤觥始

知骨肉愛神仙同蚩氓天上十二樓墉宮凌紫清飼  
君負嶠粒五羊銜香杭被君雲崑錦孔翠雙織成賚  
君太霄簡翔鸞篆丹瓊仰濡雨露潤長護松柏榮歲  
華及未晏雪點征裘輕霓車引歸路入門花已賴置  
酒高堂上芬芳滿衿纓回瞻五雲閣珠樹春風生借  
問丹穴鳳何時還碧城

遊子吟

坐君郝上琴聽我遊子吟遊子家閩越有懷向明發  
憶我辭親時瑤草綠未歇雨雪入長安躡步登金鑾  
庶幾萑蒿根新被零露溥所慚瑤池水莫致青琅玕

家園四壁立孰采陔下蘭轆轤素綯短不得轉并幹  
周周自銜羽疎毳霜前乾恨無玉虬駕送我南雲端  
昨朝雙魚至長跼具衣冠開緘讀未半苦語摧心肝  
庭中有嘉樹明月正團團鴻雁謀稻梁念兒首宿餐  
莎雞鳴東戶憂兒衣裳單但聞惜枝葉安知自飢寒  
昊天催歲籥晝夜跳兩丸去日不可挽來日方大難  
馳驅及少壯猶覲皇路寬高堂漸華皓何以償寸  
丹悄然百感集中宵起長歎

擬謝宣遠九日從宋公戲馬臺集送孔令詩

庚申

青霜落蒼空萬里鬱秋色高臺飄迅商扶光逼西匿

素節啓鳴葭行宮餞旋軾酌醴浮芳清吹笙寫歡極  
鹿鳴嘉賓樂由庚萬物得寒谷無積芳繁林有息翼  
歸客感蕭晨朝簷緬潛德誰能弭浮騷飛蓬逐川側  
酬許曲阜作屏次香山寄微之韻見懷之作

人生離合蹤雲水本無住草草京華遊秋色隨燕去  
明月送我夢東墮石門樹鳴弦邇緇帷拂拭懸甕甍  
金絲聽深堂荆棘除廣路若問蓬山寒瑤花綠如故  
同梁九山侍御用昌黎縣齋有懷韻奉題林同知崑

瓊讀書松桂林圖

庚申

我誦循吏傳千載起歎吒文翁厲學官古父勸農稼



古意一蕭條。治聲久淪謝。萋稗閒秬糜。臊屑變蘭麝。  
得無六蟲成。安補十鷺駕。夫君含穆衷。夙昔耀高價。  
干莫素虹飛。玕玕彩霞射。

朝廷擇魯恭。父老乞侯霸。魴餌察存亡。鼠牙銷訂詐。  
時於簿領餘。不廢鉛黃下。貧結文字緣。幸脫官長罵。  
徃役討蠻獠。雄軍輕棘澗。府帖繁徵調。戎旂少休暇。  
將軍帳檣牙。壯士弓橫髀。君常緩帶居。坐勝征鞍跨。  
盜賊避春陵。父兄思僕射。踐更月算繆。犒宴春行炙。  
元遜正典糧。恢之敢請假。洗甲澄江湘。摩崖小嵩華。  
霜鏡大酉秋。星騎甘泉夜。勲伐晉州端。寵光被宗姬。

方傳佩寶刀益縱騁雲韞楚瓜蔓縣綿荆鳥鳴架架  
畫戟坐班春緹車出觀禧流戶息殘喘逋租邀曲赦  
將編政譜條先補蒙書罅窺園况燕閒散帙幾冬夏  
勤逾僧祐鈔秘敵孝標借字古蛟龍擎歌高鬼神怕  
宣室占始來魯山識猶乍接語何溫醇披圖私玩訝  
松桂誠輪囷文史果枕藉回思沅澧清不患荃蕙化  
荷屋塞杜蘅蘭陂粦檀栢嵐氣青壓楹湖光綠浮榭  
講義退賓堂譚經博士舍杞梓招鸞栖竹梧絕鴟嚇  
如今江侯還定有門生迂舊植多沐芳新葩倍爭姹  
君看仙杏花已託東皇嫁

永明蔣錦橋同年君所拔士也

奉贈同年張介侯出改除縣尹

平酉

秋隼出海西骨氣走精銳韞上萬里心慘淡視天際  
張侯涼州杰鋒稜六翩厲弱冠登瀛洲文林有根柢  
耿介苦士懷芳烈芰荷製蓬山歸真雁紅雲暖羅袂  
侍從騎白鳳香塵委青桂仙人曠三清豔事驚一世  
關隴正風煙戈鋌罕寧歲萱花不鮮憂杖屨辭謁

帝

帝曰金閨秀雕蟲安足綴朝廷擇司牧女徃汎清  
惠吏風惠東溼資子儒術濟子非厭承明夙結揚馬  
契子豈薄淮陽須畫社稷計驅雞急斯驚捕鼠大曷

制岸峭土易崩水煩鱗必救神明有弛張盤錯何掣  
曳京華冠蓋滿磊落才未替酒酣風雨來青眼高歌  
繼吁嗟息羽月圖南待所遭脩然聲聞天方企九皋  
奉贈同年許敏甫亭超之江川

江川僻滇陬山谷連徼塞其土稱沃腴其俗亟穡耒  
耨賦輕匪覩子弟馴易誨西南厭鼓輦此地息凋瘵  
苟居悃悞吏可以靜鳴吠夫君瑤林姿西垣逼華蓋  
三年蓬萊遊出宰壯節邁粟邑換薛恭山陰得傅綽  
君初掣簽得貴溪引見調江川世流有澄濁官守無內外衆皆惜  
枳栖我獨凜瓜代刀筆筐篋閒吏道棄如芥才鋒新

發硯喜爾文無害雖言治小鮮課當計簿最男兒勲  
名成豈在所憑大清霜凋薊樹南望白雲霽遊子萬  
里行暫歸寢門拜皤皤八十翁謂君太父扶杖撫幃髯兒  
女羅酒漿親戚悅情話王程自有期春水趁鳴瀨  
君知望歲民將懷來暮嘅

題鄭太亭解元無才南歸舊圖因述相知始末時余  
已請假即以錄別

六亭吾故交情親十載後憶昔金鼇峯岐海萃文藪  
翬翬孟夫子學者仰北斗江河導群川蘭蕙滋百畝  
是時賢撫部丹徒徐兩松先生搜巖捋瓊玖括匠來平原使

上海陸耳長離彩苞九英英雜卿裔泥變稂莠南山先生

學此其門庶闢窺日牖自從大雅喪里耳喧瓦缶腐

材掇皮膚廬屋矜墨守意欲創衆憾恨無擘山手君

實拔塵才與我同硯久選賢登太學以拔貢生飛名肄業成均

滿人口高步斯文雄岬嶸俯培樓出入紛華場蟬蛻

不可垢交親氣槩中直諒前聖厚蒼然論時事匣劍

欲虬吼九年授校官槐黃逼南走福唐海澨邑人師

資善誘秋賦魁多士聲價果非偶重遊京華春蟬結

蕭朱綬燕蹄雖暫蹶荆璞終一剖長風吹朔墊舊雨

散盃酒披予送別圖適我瞻馬首離亭過雲白老樹

障山黝去鳥隨行鞭斜陽照折柳感我立踟躕何以  
贈我友子歸我在里常從讀齋曰我歸子在都疇慰  
覆醬瓿落落殖榭朋殖榭同人舊會所無猜猶合耦願邀老  
成人亟發大小扣起衰尋茫茫同調援某某典型苟  
可紹吾道託擔負論學無遠邇評經有然否子其指  
義樞助我挾關壯他年求息壤權輿歲在酉

觀音巖

在英德縣臨江絕壁

壬戌

鐘聲不墮江坐佛在崖空飛樓兀搖丹轉受江影弄  
削鍊青入天浮虹此結棟盤盤百尋磴白日忽踰矇  
禪燈青黥黥微照石房縫雙壁合空冥上帡及宇重

常愁青天外風雨壓山動又防萬丈潭蛟螭出陰洞  
架广枝撐幽青連地中湧山僧如猿猱槽巢閑跳踴  
仰排懸闔出俯瞰波洶溶怖鴿不敢栖星斗宿浮拱  
鍾乳檐際落石花大于甕淙淙懸溜飛濛濛細草茸  
是時五月晴坐覺雲氣凍闌前立千峯一一對我拱  
我行嶺南還世路歷龍撻莽然歲月久暫此躡仙鞵  
人王徒區區何所難息踵闔風在人間絕境誰與送  
回舟煙水空竟夕亂幽夢

寄錢唐俞秋甫

理

黃鵠遊四海飛鳴求其群君子澹泊交千里合片雲



我行川路久時覺魚鳥親况乃武林麓覲此東閭賓  
青山入官府偃蹇想高人輦帶辦貞亮佩裳韻蘭蓀  
谷神中有養玉顏映江春綈綈手不釋梵夾衆聲聞  
平生百千篇高度海笠園君詩文集名如何藏麾幢不求  
張子軍燭短夜聽詩酒闌畫論文貽我瓊琚詞其風  
清且敦朗懷寄孤月惘惘不可言青霞過萬峯越夢  
猶湖漣琅玕甯足報庶以盟松筠

積古齋周遽仲觴詩為儀徵阮公壽

儀徵阮侍郎師釋文周遽仲觴

高七寸一分身高六寸底高一寸一分口徑二寸  
八分底徑二寸二分底花雲雷紋一道腹有銘六  
字曰遽仲作父丁寶又丑字中作八字下作兩止  
相對形案遽古通遽尔足釋草大菊遽麥釋文遽

本作遽遽伯玉之遽淮南泰族訓作璩後世有遽氏又有璩氏皆遽之異文此遽仲其伯玉之族與  
亞即亞古黻字狀如兩弓相背  
戾八別也此象執弓者兩足形  
癸亥

高竽臚禮器曠古積金璧有解姬代遺厥製梓人敷  
說屬徵韓詩譌觚諦鄭釋觚改汝穎讀觚從汶長撫  
陳數用相訓侑飲取自適七寸高尚強三升受猶窄  
異紋回雲雷奇色浴丹碧闕銘辨六字綴筆誇衆客  
器維遽仲作寶為父丁惜遽遽文則通淇衛姓不易  
加玉書或歧从虞聲匪隔春秋溯前詰伯玉光往籍  
世胄无咎尊褒封內黃益  
案禮記檀弓上陸氏音義  
遽伯玉本又作璩宏明集  
引漢牟子理惑論同呂覽古類注云伯  
玉謚成子衛大夫遽莊子无咎之子  
仕更獻襄靈

脩齡蓋逾百

蘧伯玉始見左氏傳魯襄公十四年當衛獻公之十八年至魯哀公二年當衛

靈公之四十二年孔子至衛主其家前後已六十有七年以古人四十強仕之義侯之伯玉蓋年逾百歲

仲也豈其宗字依質家積

公羊傳成十五年何休注文家字積於叔質家積於

仲春祺修洗腆天貺壽平格朋或並岡陵禮則備肴

核再觀張體形乃審黻假借重弓取輔戾二已失偏

僻八字中示別兩止下齊跡在黻从人省韋譌點

畫雲臺侍郎師釋王復齋鐘鼎款識云黻與黼同為畫畫續之形黼形象斧明矣兩已相背已何物耶漢

書韋賢傳師古注紱畫為亞文亞古弗字也經傳中

彌佛弗每相通假說文彌輔也重也弗橋也从人从

無以下筆必有後人刪改之訛弋字明是兩弓相背

左右手相戾之義凡鐘鼎文作弋銘器貽子孫旌武

者正是古彌字亦即是弗字黻字銘器貽子孫旌武

垂典冊上覩人辛尊旁授母乙鬲

二器皆有張字見  
辭氏鐘鼎款識

意倖族立矢象類子執戟此義受師傅其功參聖譯  
萬古開昏蒙一字直罅隙公門文武烈海內聲聞揚  
星推角亢長光帶旗翼赫豈徒施尊彝亦足壯几席  
循陔賡詩六斟斗去天尺用為綰綽櫛永資純嘏錫  
陶舫詩三十韻為馮氏兄弟作

癸酉

國初盛文章波瀾廓溟漲吾閩守谷音丘壑自清尚

長林固多材弟梟鬱相望莆陽聞二亭

莆田林堯光  
澹亭堯英洙

亭皆有集  
今多佚

候官出其上來齋考金石三秦搜幽曠堂

堂李忠定年譜資緝

侯官林侗字同人有來  
齋金石考李忠定年譜 厥原

工八法筆跡光屏障鳳池推轂多珥管掖門閱傳鈔

春明坊惠書富五輜

同人弟佶字吉人號鹿原官中書藏書甚富京師士大夫多從

借鈔中朝數鉅公巍然丈人行遺集得手書在三古義

亢

汪鈍翁戶部陳澤州相國王阮亭尚書皆鹿原所從受古文詩法三公集皆其手寫而汪陳並出於

身後人以是多之

詩文見門廡隳括歸括匠吾觀櫟學編頗

恨少沈壯

鹿原有櫟學齋詩文集

二雲稍接踵

謂鹿原子洙雲涪雲皆有集

著作亦軍張

洙雲號蒼巖著書數種

美哉雕龍崔世業無與抗

憶開荔水莊野趣納青嶂斜陽古堞紅西南與城向

桑榆足徜徉別墅就陶舫過從嬾雅徒往往傾家釀

風流百年淹烏衣默惆悵機雲東西頭文采惜凋喪

甘泉瓦父湮昭陵石誰訪

甘泉宮瓦記廢泉撰後生昭陵石蹟考來齋撰

熟姓名徒思虎賁狀翩翩大馮君飛譽金友仇宅仍

宋玉居墩是安石讓小池初鏡平側亭復松傍卧地

苔石歆穿牆棗花颺吾曹詩事興迭招白雲唱浩蕩

詢詞源津梁竟安廷悠悠海上琴移情在潸潸

星綺及弟

星永同舉於鄉余少與星綺遊庠相知最早

駟駝篇為從外祖姑王郭氏作

從外祖姑郭四孃少許字主生生故寒門無何以

風孳廢其家請改對女父母將從之四孃誓死卒

歸王相守四壁扶持左右終其身無怨色今老矣

有嗣子能養壽祺嘗以禮見閒語壽祺曰余一世  
憂苦非子莫能宣諸筆願以是託壽祺謹諾且謝  
不敏退而為駟騶篇謹附於比興之旨以勸貞義  
駟騶向南飛悲鳴乘颿風悲鳴亦何為哀此折翼雄  
秋江葭莢白沙岸莓苔紅寒飢不自恤疾痛相為通  
巢成不求子非復桑鳩同鷦鷯猶比偶單鵠彼固窮  
骨肉兩恩愛飛止無西東天長與地久栖守甘長終  
韓昌黎詩天長地久栖鳥稀故雄亦已逝弔影孤雲中木落歲華  
晚明月照寒空下有不轉石上有千尺桐羈雌何所  
惜慘惻明微衷懷貞吁若此亮義凌高穹

小西湖泛舟

層闥面西陂空翠水雲曲山家紅樹深門前飲山淥  
汗漫堆琉璃翩然送黃鸝主人畫艇開為我延麗矚  
三壺煙島明咫尺踏鼃足傑閣凌飛霞回峯射晴旭  
半篙秋水平岼蘆森似束十里湖中花碧波浸寒玉  
牽風桃荔亂卧石鷗鳬浴虛無水晶宮采蓮曲誰續  
繁華千載事殘照澹平綠梵鐘出空林落月櫓聲促  
緬懷傅高徒小隱絕塵躅歸來閉柴荆呼童倒醕醑  
自警二首

壬午

四維重廉恥三疾標古愚末俗鄙且詭泯泯同一塗



硜硜狷者安皎皎反易汗直道與物忤醜正蕃有徒  
人生感同類踴跼謂可乎庸知更世態情偽紛鼠狐  
模稜為鄉愿胠篋為小儒盜金指直舍掇塵惑顏鮪  
幡幡少年子輕薄何時無平生同門友誰能辨根株  
始知楚正則憤嫉吾道孤辟如漆室女嘯歎遭擲掄  
豈以金石固廼憂金蕙渝入山恨不深迷陽何曲紆  
安得排閭闔高翔出鳳笈心與造物游汗漫盧敖俱  
太空視浮雲變滅能須臾

東京氣節士昔有杜泰山還家謁有司陳託多所干  
達賢糾違道刑賞兩不好豈曰遽侵位休揚佐衣冠

斯人峻名行高與元禮班同時劉季林寒蟬徒笑訕

晦翁憫民瘼亦許言於官

朱子嘗言凡民有患難勢可言於官則為言之不可

言則多方

賢者當急病固行心所安野夫誤浮名偶

逢交際端芻蕘不知量謂可吐肺肝庠序憲積廢訟

獄憂摧殘庶孝防濫舉吏胥摘冗姦見義或過勇鋒

鉞未能利焉知汲黯贛戕口生憂患北海久不作高

風今孰攀慙無彭邴德奚由忠信殫聞政非吾事慎

言良獨難省僇譬曹枿吾過誰能笑流丸止甌更重

裘袂隆寒昭昭摩堦韃先話銘請觀

晉王昶云救寒莫如重裘正諉

莫如自修

贈林少穆兵備入都補官三首

則徐

重華闢四門八紘張天網俊乂如雲興九遷懸官賞  
夫君挾天才玉清躡霞上星傳佐文明蘭臺資直讜  
武林佳湖山天教秉英蕩清若江流滔惠如海波泱  
越人誦使君土美禾善養朝廷知弱翁指顧華袞  
獎未曾滿灌謁請急何太懷高堂有采薪遙動心愴  
悅朝聞夕按組如飛鼓蘭漿至誠感上天未至已起  
杖入門色笑親深慰明發想父曰嗟予子天祿吾坐  
享四牡戒懷歸於義宜勇往慈母縫征衣親朋勸行  
鞅鶩花三月初買棹春水漾江湖魏闕思忠孝道兼

兩偉哉柱石安濟時望吾黨

貧泉見夷齊敝屣視韓魏人爵安足榮仁義乃富貴  
君子行道心誦古思髣髴九罌歌鮮魴甘棠愛蔽芾  
由來社稷臣一誠通萬彙民俗凋敝餘若旱需灌溉  
奸宄陰孽芽若農莠蕞蕞旣吏道患因循人情多忌畏  
蒼生繫安危所尚在宏毅吾鄉兩襄惠明惠安張淨  
峯總督岳連文武有經濟安溪本通儒擁旄功  
澤暨落落踰百年後賢每歔歔如君復幾人淵岳納  
腸胃公卿交口薦雅故洽蘭味我獨勗千秋匪爭時

譽誅

至尊資股肱上

殿時奇氣許身稷卨倫志士何所諱

君家 資政翁翬翬韞貞抱疇曩庠序中素交善先

考兩家寒畯興隱約艱締造愷悌天所祐朱紫侍臺  
老勲業霄漢間上貽今名蚤嗟余擔墓還北堂已華  
皓况乏丁公籐起疾徒請禱鮮葩雖潔白散木漸枯  
槁才命判風花遂初差自保何由北山移得傍南澗  
道君嘗戲余以徵  
召之言故云尚將尋蓬萊春風拾瑤艸或奉君  
房書平生永為好

廬陵王孝子詩義王霞九侍御先德作四首 乙酉

啞啞翔高原慈烏哺其兒嗚嗚繞膝前孝子明發思  
萬物感以誠纏綿無盡期春山茁孤竹春草生卷施  
艸竹心不死孝子長涕洟

涕洟夫如何高堂嗟白首殘景逼桑榆疾疢瘖手口  
吮疽不恃醫籲天竟延壽及次西塘廬雷雨助哀叩  
純行盜為矜荒林虎為守秋旱涌山泉行旅飲清澗  
至誠果感神高風永不朽

不朽孝子名不匱孝子心南山鬱葱葱枯杖生鄧林  
墓草相與綠春暉不再臨嗷哉終身慕惟有栽蒿吟  
青山高復高碧水深復深昊天渺罔極喬梓均此忱

此忱天所親褒旌 九重至孝里與順邨兩世篤純  
志綽裊輝門閭維桑咸敬異後昆登玉清君子有穀  
詒祥覽繼象賢蔚為天下瑞為吟白華詞千秋欽錫  
類

梁莖林藩伯新葺滄浪亭徵詩却寄

章鉅

丁亥

姑蘇有蘇亭得名七百載巒壑更廢興烟霞亦色改  
君來駐干旗觴咏恣蕩飭希古思振纓方壺繪王宰  
意圖懷桷新山靈如有待及茲總藩條泉石舒光采  
詩心小謝山踐修前諾在岫幌空翠來波籟浮綠匯  
楓柳與鳬鷺為君悅幽埵重成長史祠崇岡均歸隸

小志續商丘紀年在丁亥東吳佳麗地臺榭紛磊磊  
况隣興騎場傳舍逼凡猥熙熙城市閒疇暇歌歎乃  
大雅躡前賢留芳及蘅茝風月同古今履綦判徒倍  
吁嗟滄浪清庶協心冰燭君誠柱石材風歎動僚寀  
薪爇力障淮粳稻急帆海角牙銷滯寃刀布飭財賄  
淞江水利長疏濬日無怠所舍成甘棠謳頌繁珠琲  
勲業齊靈巖豈惟此亭崑偉略涵泱泱雄文拔崑蟲  
奚啻肩蘇宋直當踵元凱餘事付詩人長資藝林採  
題連城童若星孫燦澹志詩草

昔聞冠豸山高人此塞荃讀易彈輿蘊妙理能談天



仰屋勤撰述微言棄蹄筌王韓無後輩轅伏有高年  
傳家獲小阮績學師寒泉山居種松竹游想無懷先  
草青雲復白荷蓀過芳田綠蔬夕理雨青隴朝犁煙  
茅廬近江邨門外紅花然沙平四山霽翫月東溪前  
披風坐蘿石抱膝弄徽絃吟成和鳴鳥梅柳春娟娟  
曰歸不知老詩酒知誰賢文孫一齊亦尊宿紹衣留  
青氊下帷析經義皓首心悅研願言述祖德突過臨  
川篇

題芷林藩伯安集歸鴻圖

道光辛卯秋江淮微洪澤千萬哀其免提携塞舫艫

號呼風波中聲若殷雷閔蜚鴻悲滿野誰暇問耕耰  
仁人視如傷餐粥逮貳載忤閔卅七厥嘉澤流淙淙  
何須移粟勞汎舟接雍絳中吳義行豐全琮盈里巷  
自非董勸先安被甘雨降

天災國流行其患自唐虞所倚大吏賢為民愛毛膚  
輦間拾螺蚌沙汭招鷗鳬餒者施饘粥凍者分袴襦  
疾者給醫藥穉者保鰥雛男女各區別歲時咸煦濡  
章條既井井窮黎庶其蘇四郡與一州撫綏沛江湖  
齎送六十萬收養四萬餘經營八閱月潦涸歸川塗  
春風桃花水暝與魚蝦俱轉思去年禍危急中崎嶇

聖皇仁如天截漕蠲民租幕府號渙汗守令承奔趨  
吳門歲亦儉慕義爭提扶嗟哉發棠請誰繪監門圖  
東南財賦鄉膏脂出編戶粳稻轉雲帆金銀貢天府  
稅斂固有經輸將亦良苦比年遭水患蛟鼉為誰怒  
億萬蕩田廬八九失翁姥箕斗憂司農何由望紅腐  
今春蘇與松豆麥敗淫雨瘡痍傷薦仍調救賴鄉土  
大臣善輯綏中澤資循拊公如未挂冠當復膏芑黍  
吾知吳會民定詠鴻遵渚

吾閩本貧瘠常病珠玉餐夏愁旱潦積秋患颶風寒  
鳩鵲加飢饉豺虎增凋殘延建逼鈔畧行旅不得安

泉漳困鬥關民力亦已殫榕城下戶廣救死在壺簞  
孰拈田家句念彼心肉剜朝廷去諱飾痛癢咨衣  
冠吾儕切桑梓豈惑訛言端去冬海外警幸早釋櫓  
千下游請漕急飛輓煩越官所憂蓋藏少義倉成亦  
難雨暘未時若焉料新禾積天恩詎再覲歲事  
期少寬因茲感嗷雁蒿目虛長歎

次馮笏軒舍人餞春詩韻兼呈芷林藩伯

春宴桃李園青蓮記詩序過客惜光陰浮生耗涼暑  
況逢令節遷馬廢幽情敘黃樓有嘉招白社同故侶  
竹松映晴漪肴饌薦清醕揀花風始過櫻筍厨將舉

賓朋紛離合觴詠沸笙鼓送春已不堪錄別奈何許  
舊交半晨星隣舍隔今雨日剛消九十月漸闕三五  
老懷孰能狂勝韻安得吐賴君瓊琚詞示我天地戶  
嚶鳴應禽鳥趨步依蛩駉期浮南皮瓜速作沔陽黍  
自慙翰墨遲輒為塵俗阻願從煙霞遊長附松菊主